

INTERNACIONAL



Tornado a laga dos morto y 50 persona heridá na Texas

Pagina 34

LATINO



Candidato opositor Toledo pide serenidad en Perú

Pagina 31

ANTIYAS



Noticia positivo Cara di Otrobanda porfin lo ser desarroyá

Pagina 40

BON DIA

Aruba

DEPORTE



Promé biaha den historia den Grandes Ligas Dos pitcher Arubiano ta den rotacion di Orioles di Baltimore

ORANJESTAD - Decision a cai ayera den organizacion di Orioles di Baltimore, unda cu beneplácito por mira cu pa promé biaha den historia di Grandes Ligas, pero tambe di Aruba, cu nos tin dos pitcher Arubiano riba rooster. Nan ta Sidney Ponson y Calvin Maduro.

Di acuerdo cu decision di Mike Hargrove, Manager di Orioles, su opening rotation di pitcher ta, Mike Mussina, sigui pa Sidney Ponson, Pat Rapp y di 4, Calvin Maduro. Tambe e Manager a anuncia cu e tin un di 5 pitcher invitá den rotation, cu ta José Mercedes, pero e lo worde incluí den rooster te despues

di dia 9 di April awor.

Sidney Ponson, e biaha aki a keda Merca pa sigui traha riba su condicion y manera el a bisa, e ta mihor cu aña pasá. Den Orioles, nan ta weita cu Ponson por bira un pitcher estella, mirando su perseverancia pa bira bon.

E performance di parti di José Mercedes y Calvin Maduro, a pone cu Manager Mike Hargrove a tuma su decision pa incluí den e rooster. Nan dos a gana 14 wega, aunke ningun di dos a aparecé den Grandes Ligas e último temporada.

Tin masha comentario riba Calvin Maduro y José Mercedes, kendenan ta

worde considerá di tin bon braza.

Un otro temporada di baseball di Grandes Ligas a cuminzá, e promé die milenio nobo y cu placer por mira dos di nos Arubianonan den Liga Grandi. E otronan, manera Eugene Kingsale, kende tabatin hopi speranza di ta ariba e biaha aki, no a resultá di t'e caso, pero el a laga bon impresion atras den Springtraining y por worde subí un ora pa otro den e temporada aki.

No ta keda nos otro, di deseá nos muchanan tur clase di éxito y cu nan hacinan máximo den representacion di nos bandera y nos país.